

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 1. Dezember 2016

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un d'Madame Gesondheitsminister weiderzeleeden.

Op enger Pressekonferenz am Mee 2015 an an hirer Äntwert op eng parlamentaresch Fro am September 2015 huet d'Madame Gesondheitsminister an Aussicht gestallt, datt de Programm TADIAM nach 2016 sollt ulafen. Et geet dobäi ëm e Substitutiousprogramm bei Drogensucht op Basis vun Diacetylmorphin, rengem pharmazeuteschem Heroin also. Zu deem Programm wollt ech der Madame Gesondheitsminister dës Froe stellen:

1. Ass nach ëmmer aktuell, dee Programm 2016 ulafen ze loossen. A wéi enge Räumlechkeeten?
2. Si scho Patiente fir dee Programm ausgesicht a no wéi enge Kritären ass dat geschitt (Laangzäitofhängegkeet, gesondheetlechen Zoustand, gescheitert Therapie)?
3. Wien ass zoustänneg fir d'Kontroll a fir d'Aweisung an dee Programm?
4. Wéivill Suchtkranker kënnen an TADIAM opgeholl ginn?
5. Leeft donieft de Methadon-Substitutiousprogramm weider?
6. Ass an der Tëschenzäit garantéiert, datt genuch Diacetylmorphin zu Lëtzebuerg zur Verfügung ass?
7. Wéi gëtt bei alle Substitutiousdrogen gesécherert, datt et net zu Abuse kënnit duerch déi dës Substanzen onkontrolléiert an den Ëmlaf kommen?

Mat déiwem Respekt,



Fernand Kartheiser
Deputéierten